

## THOMAS, ALFRED, barwn Pontypridd (1840 - 1927), o Fronwydd, Caerdydd

**Enw:** Alfred Thomas

**Dyddiad geni:** 1840

**Dyddiad marw:** 1927

**Rhiant:** Daniel Thomas

**Rhyw:** Gwryw

**Galwedigaeth:** barwn Pontypridd

**Cartref:** Fronwydd

**Maes gweithgaredd:** Perchnogaeth Tir; Teuluoedd Brenhinol a Bonheddig

**Awdur:** Benjamin George Owens

Ganwyd 16 Medi 1840, yn Llwyn-y-grant, Pen-y-lan, Caerdydd, yn fab i Daniel Thomas, ymgymerwr. Addysgwyd ef yn ysgol Weston, ger Bath, a threuliodd ei oes ym musnes ei dad. Daeth yn r amlwg mewn llawer o gylchoedd cyhoeddus. Bu'n aelod o gyngor dinas Caerdydd am 11 mlynedd o 1875 ymlaen ac yn faer yn 1881-2. Bu'n aelod seneddol dros etholaeth newydd dwyrain Morgannwg o 1885 hyd ei ymddiswyddiad yn 1910. Yr oedd hefyd yn ustus heddwch dros Gaerdydd a Morgannwg, ac yn ddirprwy-raglaw Morgannwg. Rhoes gefnogaeth frwd i'r Coleg Prifysgol a godwyd yng Nghaerdydd yn 1882 a bu'n aelod o'r cyngor ac yn llywydd. Ef hefyd oedd llywydd cyntaf Amgueddfa Genedlaethol Cymru. Bedyddiwr ydoedd o ran crefydd, ac etholwyd ef yn llywydd Undeb Bedyddwyr Cymru yn 1886. Gwnaed ef yn farchog yn 1902, ac yn farwn yn 1912. Bu farw yn ddi-briod 14 Rhagfyr 1927.

### Awdur

Benjamin George Owens

### Ffynonellau

*Who's who in Wales*, 1921

*South Wales Daily News*, 15 Rhagfyr 1927

*The Daily Telegraph*, 15 Rhagfyr 1927

*Western Mail*, 25 Mehefin 1930

*Seren Cymru*, 23 Rhagfyr 1927

*Seren Gomer*, 1928, 40

*Adroddiad Undeb Bedyddwyr Cymru*, 1886

### Darllen Pellach

Archifau LIGC: [General Election 1906 Wales and Monmouthshire. A Souvenir containing photographs, biographical sketches etc., of all the Welsh MP's: Sir Alfred Thomas](#)

Erthygl Wicipedia: [Alfred Thomas](#)

## Delweddau

National Portrait Gallery: [Alfred Thomas, 1st Baron Pontypridd](#)

## Dolenni Ychwanegol

Wikidata: [Q4723516](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

